

# DECRETA<sup>I</sup>

3

## CONGREGATIONIS

### GENERALIS

#### V N D E C I M A.



Vm ex Decreto Innocen-  
tij X. Pontificis Maximi  
de habendis Congrega-  
tionibus generalibus sin-  
gulo quoque nouennio ,  
haberi Cōgregatio huius-  
modi deberet ante exeun-

tem Martium currentis anni 1661. impe-  
tratum est à S. D. N. Alexandro VII. vt  
pro maiore eorum , qui ad illam conuentu-  
ri essent commoditate , illius cogendæ tem-  
pus vsque ad insequentem Maium eiusdem  
anni prorogaretur.

Ad diem itaque 8. Maij , in quem indi-  
cta à R. P. N. Generali Gosuino Nickel  
erat Cōgregatio, cum adessent Patres om-  
nes, quibus ius erat conueniendi , exceptis  
Patribus Lusitanis, & Sardis, ac P. Io: Bapti-  
sta Viuet Rectore Barcinonensi , qui tamen  
eo die expectabatur; nullaque affulgeret iu-

*Desideratio  
initio Con-  
gregationis.*

A

sta

## 2 Decreta Congregationis

ita spes aduentus, neque Substitutorum e  
Sardinia pro Viceprovinciali, & Socijs, lu-  
ctuosum ad ostia Tiberina naufragium pas-  
sis, neque Lusitanorum Patrum; visum,  
fuit inchoari oportere Congregationem si-  
ne dilatione, adeoque inchoandam esse po-  
stridie eius diei.

*Decretum 1. in MS. Aët. 5.*

**C**VM R. Pater N. Generalis ostendisset  
Congregationi se ob senij gravitatem,  
& corporis impedimenta, nō posse amplius  
tot, actantis officij sui laboribus parem ef-  
se, & eo animi vigore, quo oporteret So-  
cietatis gubernationem administrare, ideò-  
que ultro rogaret, vt Vicarius sibi daretur  
vel ad tempus, vel perpetuus, & cum iu-  
re, vel sine iure successionis, prout ipsi Con-  
gregationi videretur, præsenti statim, rebus-  
que Societatis magis conducere: Congre-  
gatio obsequendum duxit voluntati charis-  
simi, optimèque meriti Parentis sui. Quò  
tamen certum opportunumque consilium  
in tanta re, commodius caperet, indi-  
xit biduanam deliberationem, & cessatio-  
nem interim à confessibus; adiecit P.N. Cō-  
gregatione probante, præcepti obligationē,  
de re dum geritur, nemini vulganda.

*Decretum 2. in MS. Aët. 6.*

*Eligendus  
Vicarius  
cum iure  
successionis.*

**E**XACTO biduo ad deliberationem indi-  
cto, conuenerunt Patres ad decernen-  
dum, secretis suffragijs (nam id petierat P.N.  
Ge-

## Vndecimæ Generalis. 3

Generalis, & Congregatio approbauerat) cuiusmodi Vicarius eligendus in præsens videretur? omniumque solis quinque exceptis, concors sententia fuit, eligendum Vicarium perpetuum, cum iure succedendi. Electio autem visa est differenda tantisper dum conueniri super ea opportunius posset Summus Pontifex ad Urbem, unde tunc aberat, rediturus propediem.

*Decretum 3. in MS. Aet. 7. 8. &c.*

**P**N. Generalis à dirigendæ Congregationis officio ob inualerudinem reuocatus, vices suas P. Dominico Langa, Assistenti Hispaniæ, & Assistentium antiquissimo, commisit, nec amplius ulli conuentui interfuit. Cum autem ageretur de Postulato duarum Prouinciarum, vt iurati ferant iudicium, qui iudicaturi sunt de excellentia talenti, quod supplere potest defectum doctrinæ requisitæ ad Professionem, post longam, & accuratam disceptationem, iudicatum tandem est magno suffragiorum concursu duas tertias non parum superante, non esse iuramentum eiusmodi exigendum, & sufficere ad Postulati finem, si præscriptæ in Congregationum Decretis pro subiecta materia cautiones adhibeantur. Et cum post ridie Patrum vnus intercessisset, auditæque essent illius rationes, censuit Congregatio non esse intercessionem deferendum.

*Absentia  
P. Nostri.*

*De excellentia talenti ad professionem non exigendum iuramentum.*

## 4 Decreta Congregationis

*Decretum 4. in MS. Aët. 16.*

*Petenda facultas eligendi Vicarium perpetuum.*

**H** Abita declaratione mentis Patris N. Generalis de potestate, quā habiturus esset Vicarius mox eligendus, statuit Congregatio, ut libellus supplex offerretur summo Pontifici, quo communi nomine Congregationis, & Patris N. Generalis postularetur Apostolica benedictio, & facultas quatenus opus esset ad eligendū Vicarium perpetuū cum iure successionis, & cum vniuersali, ac libero exercitio potestatis. Designatio autem Patrum, qui libellum offerrent, permissa fuit P. Generali,

*Decretum 5. in MS. Aët. 17. 18. 19. 20.*

*Procurator Sardinie admissus ad negotia.*

**O** Blatis Congregationi patentibus literis Prouincialis Sardinie, quibus P. Iacobum Cartam eius Prouincie subditum Romæ agentem, Procuratorem constituit ad negotia cū approbatione Patris N. Generalis, rogata est Congregatio: Placeret ne illum admitti? Censuit illa admittendum, & quidem de iure, sed ad negotia tantum, post electionem Vicarij.

*Decretum 6. in MS. Aët. 20.*

*Breue Pontificium de eligendo Vicario perpetuo impetratum.*

**P**ublicè lectum est Breue Pontificium, quo ample, & plene tribuitur Congregationi petita facultas eligendi Vicarium Generalem perpetuum cum futura successionē, ac cum vniuersali, & libero exercitio potestatis. Cumque omnia iam essent factis expedita placuit inchoari die proximē

se-

# Vndecima Generalis . 5

sequenti quadriduum ante electionem ,  
proponique Interrogatorium, & fieri cæte-  
ra quæcunque ad negotium transigendum  
requirebantur .

*Decretum 7. in MS. Aet. 17. & 20.*

**D**E formula iuramenti præstandi in  
electione Vicarij statuit Congrega-  
tio vt eadem esset, quæ in Generalium ele-  
ctionibus vsurpatur, sola vocis *Generalis* ,  
in voces ; *Vicarij Generalis, cum iure succe-*  
*dendi* mutatione .

*Formula  
eligendi Vi-  
carium per-  
petuum .*

Similiter retinendam censuit formulam  
Decreti, quæ in Generalium electionibus  
enunciatur, sola mutatione vocis *Generalem*  
in voces: *Vicarium Generalem cum iure succe-*  
*dendi, & potestate iuxta Breue Apostolicum*  
*datum 1. Iunij 1661.*

*Decretum 8. in MS. Aet. 22.*

**D**ie 7. Iunij, qui felicibus auspicijs in-  
cidit in tertium diē festum delapsi in  
cœtum Apostolorum, & Discipulorum Spi-  
ritus Sancti, omnibus rite seruatis, acce-  
ptisque à P.N. Generali ob inualetudinem  
absente suffragijs, electus est primo scruti-  
nio Vicarius Generalis perpetuus cum iu-  
re succedendi, & potestate iuxta Breue Apo-  
stolicum R. P. Ioannes Paulus Oliua elector  
Prouinciæ Romanæ, & confectum promul-  
gatumque de more super ea re decretum  
est à Padre Dominico Langa Præfide Co-  
gregationis .

*Electio Vi-  
carij .*

## 6. Decreta Congregationis

*Decretum 9. in MS. Aët. 23.*

*De vocabu-  
lo Nationis  
in formula.*

**A**d instantem Assistentium electionem visum est statuere pro hac vice, & nullo ad futuras Congregationes præiudicio, ut nomen *Nationis* ex qua eligi deberet iuxta formulam §. 78. sumeretur non ut synonymum Assistentiæ, sed pro sola ea complexione nationum, ex quibus una Assistentia componitur.

*Decretum 10. in MS. Aët. 24.*

*Electio qua-  
tuor Assi-  
stentium.*

**D**ie 12. Iunij, qui erat ultimus quatri-  
dui indicti ad Assistentium electionem,  
electi sunt Assistentes Italiæ P. Alexander  
Fliscus Præpositus Domus professæ Medio-  
lanensis, primo scrutinio; Germaniæ P. Ca-  
rolus de Noyelle Substitutus Secretarij So-  
cietatis pro Assistentia Germaniæ tertio ser-  
utinio; Galliæ P. Claudius Boucher Prouin-  
cialis Franciæ, primo scrutinio; Hispaniæ  
P. Sebastianus Izquierdo Rector Collegij  
Complutensis, secundo scrutinio. Electione  
Assistentis Lusitaniæ iudicatum est ea die  
super sedendum, ob absentiam PP. Lusitano-  
rum. Electi autem præstiterunt de more  
iuramentum, vocato post electiones omnes  
peractas ad hoc ipsum præstandum Patre  
Carolo de Noyelle, qui cæteri non intererat.

*Decretum 11. in MS. Aët. 25. §. 16.*

*Electio Ad-  
monitoris.*

**P** Dominico Langa P.N. Generalis iam  
ab annis aliquot Admonitore, ultro-  
neam officij illius abdicationem non semel  
apud

## Vndecimæ Generalis. 7

apud Congregationem, & apud P.N. proponente, atque urgente, ac tandem imperante, electus est in Admonitorem tum Generalis, tum Vicarij P. Nicolaus Zuchius secundo scrutinio.

*Decretum 12. in MS. Aët. 25. 26. 27.*

**A** Vdito postulato plurium Prouinciasu de petenda à Pontifice abrogatione Breuis Innocentij X. *Prospero, felicique statui &c.* Censuit Congregatio consensu planè vnanimi, tentandam esse Breuis totius abrogandi postulationem; qua minime succedente, singillatim pro partibus supplicaretur; factaque deinde de singulis, post allatas, & discussas prius in partem vtramque rationes, propria suffragatione, confirmatum est, primò, nullo prorsus dissentiente, petendam abrogationem triennij præfixi gubernationi Superiorum, & imperatæ post triennium exactum, quietis. Secundo, de Congregationum nouennalium abrogatione concors similiter fuit omnium, duobus solis exceptis, consensio.

*Decretum 13. in MS. Aët. 27. & 28.*

**P**roposita est questio: an impetrata abrogatione Congregationum nouennalium, num videretur nihilominus fore ex re Societatis, si ab hac ipsa Congregatione terminus aliquis seu negatiuus, seu positiuus Congregationibus habendis præfigeretur. Responsum est concordibus sen-

*Petenda*

*abrogatio*

*Breuis In-*

*noc. X.*

*Nullus ter-*

*minus co-*

*genda Con-*

*gener. præ-*

*figendus &*

*Soc.*



## 8 Decreta Congregationis

tentijs, non fore; adeoque nec tunc, terminum vllum præfigendum, etiam non obstante Decreto à Congregatione Octaua, factò ante electionem, vt habetur in Actis MS.

*Decretum 14. in MS. Act. 29.*

**P**ostulatum fuit, vt Congregatio decerneret, satis ne sit ad professionem, quatuor votorum obtinendam si in præuiò ad eam examine mediocritatem excedant in doctrina, qui fuerunt in celebri aliqua vniuersitate donati gradu Doctoris in Theologia, cum hoc illis asserere videatur Congregationis VII. decretum 96. & fauere Regula 19. Prouincialis §. 14. in Ratione studiorum.

Decreuit Congregatio satis esse, idque statutum videri in laudato Decreto, cui nullatenus derogatum sit per §. 3. Decr. 37. Congregationis VIII.

*Decretum 15. in MS. Act. 29. & 30.*

**R**ogata Congregatio, vt declararet, cuiusmodi sit obligatio ex §. 6. Decret. 17. Congregationis VII. expendendi in causas pias fructus bonorum, quorum possessionem nostri retinent. Declarauit; relicta in suo vigore paupertatis obligatione, intuitu Subditi bona possidentis, nullum Prouinciali per laudatum Decretum in materia, votoue paupertatis grauamen imponi, neque valorem actuum elidi, quibus ipse

*De Docto-  
ribus Theo-  
logia ante  
ingressum  
in Soc.*

*De obliga-  
tione expen-  
dendi fru-  
ctus bono-  
rum.*



# Vndecimæ Generalis. 9

ipse de fructibus illis aliter disponat, aut disponi permittat.

*Decretum 16. in M.S. Aët. 31. 43. 62.*

**C**um postularetur dissolutio duorum Collegiorum malè omnino constitutorum; Congregatio fecit P. Vicario amplam potestatem dissoluendi non solum dicta duo Collegiola, sed & alia quæcumque eiusdem notæ, ac rationis, non tantum in Prouincia Romana, aut Neapolitana, vbi maior huius rei vrget necessitas, sed vniuersim in tota Societate; & occasione hinc accepta eidem commendauit, vt se in admittendis nouis Collegijs exhiberet plane difficilem.

*Facta potestas dissoluendi parua Collegia.*

Posuit etiam in ipsius potestate, & arbitrio postulatam translationem Domus Probationis Moguntinæ in Prouincia Rheni superioris Aschaffenburgum; & Salinensis in Prouincia Lugdunensi, Vesuntionem; commutationem item Domus Professæ Villanicosæ in Prouincia Transtagana, in Collegium.

*Decretum 17. in M.S. Aët. 31.*

**D**elato ad Congregationem iudicio Patrum, pro Paupertate Deputatorum, de potestate Præpositi Generalis ad admit- tendam, & ratam habendam, post donantis mortem, vel professionē, donationē à Scholastico Societatis antè factam certo alicui Collegio: Probanit iudicium Congregatio,

*Donatio Scholastici potest rata haberi post ipsius mortem, vel professionem.*

suo.

## 10 Decreta Congregationis

suoque decreto firmatum voluit esse in potestate Generalis admittere, & ratas habere donationes huiusmodi, non obstantibus contrariis rescriptis Præpositorum Generalium.

*Decretum 18. in MS. Art. 32.*

*Contra imprimētes  
libros sine  
facultate.*

**P**ropositum est Congregationi ab ipso P. Vicario de quærendo, parandoque efficaci remedio ad fortiter comprimendam perniciosam libertatem edendorum librorum sine facultate, seu proprio, seu alieno, aut etiam suppresso nomine. In quo cum multa à multis essent solerter excogitata, & inter opinandum adducta, conuenit Cōgregatio communiore consensu, in ea quæ sequuntur.

1. Ut in Authores animaduertatur grauius, certisque pœnis incurrendis: puta, priuatione officij, vocis item actiuæ, & passiuæ, inhabilitate etiā ad Dignitates, & Prælaturas Societatis, pœnis etiam corporalibus, pro delicti grauitate, Superioris arbitrio decernendis.

2. Ut hæc ipsa pœnarum capita ad cōplices, & cōscios etiam Superiores, ea proportionē extendantur, quā ipsi magis, minusue vel Scriptoris consilia promouendo, vel eadem non reuelando; vel ex officio non impediendo; in præsentem Societatis perniciem dedecusque peccauerint.

3. Ut librorum nomine intelligi etiam debeant libelli, & folia (vt vocant) volantia,

# Vndecimæ Generalis. I I

ria, ac demum quidquid prælo ad publicam lucem committitur.

4. Ut præsumptio fraudis contra illos stare censeatur à quibus accepta scripta Externi vulgauerint.

*Decretum 19. in mS. Aët. 34. 35. 40.*

**C**um peruenisset ad Congregationem, per vnum aliquem è PP. Electoribus, notitia Epistolæ ab Reuerendis. P. F. Ioanne Baptista de Marinis Magistro Generali Venerabilis Ord. Prædicatorum ad dilectos sibi in Dei filio vnuerfos, & singulos eiusdem Venerabilis Ordinis fratres, directæ, eiusque manu subscriptæ, ac sigillo munitæ, & ab Ordinis Secretario traditæ, in qua Decreta aliquot continentur in honorem, commendationemque Societatis, in Comitiss Generalibus Ordinis condita: Censuit Congregatio, nulla etiam maiori expectata huius rei notitia, huic prouocationi honorariæ respondendum imprimis honorifica gratiarum actione, nomine suo, eidem Reuerendis. P. Mag. Generali deferenda, tum deinde graui ad nostros omnes commendatione, quam ex Congregationis vtriusque sensibus voluit renouatam: Nimirum, vt Illustriss. natuq; maiorem in Ecclesia Ordinem, sanctitate, doctrina, rebusque præclare gestis de illa optime meritum, peculiari beneuolentia complectantur; de illo magnificè sentiant, & loquantur; alijsque

*Veneratione particulari prosequendus  
Ven. Ordo Prædicatorum.*

vene-

12 Decreta Congregationis  
venerationis significationibus, & charitatis  
officijs prosequantur.

*Decretum 20. in MS. Aët. 35. 37. 44.*

*Collegia possunt grauari ad soluendum annuam pensionem Domui professa durāte fabrica.*  
**E**X occasione fabricæ Templi, & Domus professæ Neapolitanæ adductum est in quæstionem; an possint Collegia, aut Domus Probationis Societatis, salua paupertate propria nostrarum Domorum professorum, grauari à Testatore, seu Fundatore ad exadificandum Domui professæ Templum, vel Domum collaris in eam, rem certis redditibus annuis, quamdiu fabrica durauerit, etiamsi contingeret eam ad triginta, vel quadraginta, & ampliùs annos durare; super qua quæstione multum ac diligenter discussa, approbavit tandem Congregatio vno ferè consensu, iudicium Patrum pro paupertate Deputatorum; nimirum, nequaquam esse contra paupertatem Domorum professorum, quod in quæsito proponitur, si nempe res transigatur ad eundem modum, quo facta, & transacta Neapolì proponebatur.

Cæterum pertinere ad prudentiam superiorum, ne diutius, quā iusta necessitas tulerit, Domus professæ talibus redditibus fruatur. Et cum nihilominus aliquis contra intercessisset, auditæ sunt illius rationes, discrisque iterum sententijs, probatum, firmatumque est decretum iam sancitum vnanimi planè consensu.

*De-*

*Decretum 21. in MS. Aft. 36. & 37.*

**R**etulerunt ad Congregationem Deputati pro Constitutionibus, & Decretis. In editione Decretorum tum Romana anni 1616. tum Antuerpiensi anni 1635. verè mendosum esse textum Decreti 23. Congregationis secundæ, vbi in adiunctio Definitorum Decreto, leguntur hæc verba: [quod si aliquis imperfectionem secutus particulari alicui Societatis hoftræ loco, intra Prouinciam] cum legi debeat (extra Prouinciam) vt habent originalia manuscripta, & colligitur manifestè ex aduersa tina particula paulò post adiuncta (si verò alicui collegio intra Prouinciam).

*Menda in  
Decretis  
Congr. cora  
r. cia.*

Item mēdum irrepsisse in Decretum 51. Congregationis V. & in cap. 5. Ordin. General. vbi enim in Decreto legitur placuisse Congregationi, vt postularetur dispensatio super illa parte Decreti Clementis VIII. quæ iubet deputari Confessarios, qui (*à reservatis absoluant*) & in ordinatione impetratam esse dispensationem, ne teneantur Superiores deputare Confessarios, qui (*à reservatis absoluant*) legendum esse (*à non reservatis*) vt constat ex textu decreti Pontificij, adeoque inferendam esse in utroque loco particulam negatiuam (*non*) ante vocem (*reservatis*.)

Agnouit Congregatio ita planè, vt Deputati retulerant, rem se habere, ac proinde



14 Decreta Congregationis  
de etiam decreuit, emendandos dictos mē-  
dosos textus ad eum modum, quem ijdem  
Deputati proposuerant.

*Decretum 22. in MS. Aët. 37.*

*Contra la-  
xas opinio-  
nes in mo-  
ralibus.*

**C**omplurium Prouinciarum postulatio  
fuit, vt cum Societas ita nunc passim  
male audiat, & traducatur quasi nimis la-  
xas in moralibus opiniones doceat, & in  
praxi sequatur, aliquod adhibeatur efficax  
tantomalo remedium. Congregatio am-  
plexa iudicium Deputatorum pro studiis  
statuit: Primò monendos serio Professo-  
res Theologiæ moralis, caute omnino vt  
doceant, neque quod aliquid probabile re-  
putent, illico sibi licere arbitrentur, illud  
in publicum scripto, verboue protrudere.  
Sed ad id attendant maxime, quod mo-  
net Congregatio v. Decr. 41. an communi  
Scholarum sensui congruat; ac præterea scā-  
dalum, vel offensionem aliquam vsquam  
parere possit. Superiores autem, si quos  
nouitatum amantes, aut parum cautos in  
docendo compererint, à munere docendi  
submoueant, speque omni illius priuent,  
pœnis etiam alijs, si forte opus ijs esse sen-  
serint, coerceant.

2. In librorum editione, onerandam  
Censorum fidem, & conscientiam, seueròs  
vt se potius, quam molles exhibeant, neque  
aliquid etiam dubij, ad Societatis famam,  
periculi sine graui censura abire patiantur:  
& si

& si quid tale occurrerit Patri Nostro sincere , & fideliter prodant .

3 In priuatis congressibus , & responsis diligenter cauendum nostris , ne aliquid promant , quod vulgari minimè vellent Nunquam autem scripto respondeant, in rebus præsertim grauioribus, nisi consulto, & probante Superiore .

4 Texendum Elenchum , sententiarum in morali periculosarum, exquisito primum Prouinciarum sensu , de sententijs , quæ apud singulas scandalum ; aut offensionem aliquam habent adiunctam , eumque mittendum ad singulas , & in singulis examinatum , iterumque Romæ recognitum , ac probatum , ritè communicandū omnibus.

*Decretum 23. in MS. Act. 39. & 40.*

**C**um permulta essent in medium allata ad paupertatem nostram conseruandam in sua puritate, & restituendam etiam sicubi labefactata videretur , eaque in primis , quæ à Patribus Deputatis pro paupertate fuerant solerter excogitata : Censuit tandem Congregatio communi consensu , committendum P. Vicario , vt ipse pro sua prudentia ex ijs , illa eligeret , quæ magis apta, & opportuna esse iudicauerit .

*Decretum 24. in MS. Act. 42. 45. 47. 48.*

**A**vdito iudicio Patrum Deputatorum pro studijs , probauit Congregatio , suoque Decreto sanciuir .

*De priuatis  
te Pauper-  
tatis con-  
seruanda*

Vt



## 16 Decreta Congregationis

*De exami-  
nibus in  
studijs.*

1 Vt Metaphysici iuxta Regulam 23. Præfeti studiorum, & à tertio ad quartum Theologiæ annum gradû facturi vnus horæ spatio examinentur.

2 Vt in reliquis tum Philosophiæ, tû Theologiæ annis media minimum hora subeatur examen; & Prouinciæ, quæ ex longo iam vsu plus ei temporis tribuunt, consuetudinem suam retineant.

3 Vt examinis annui materia sit ea omnis, quæ à Magistris toto anni currentis spatio tradita fuerit, ijs exceptis, quæ sub ipsum examinis tempus decurruntur, Præfeti studiorum iudicio designandis; siue de cetero Theses ad examen adhibeantur, siue non.

4 Vt qui ante ingressum in Societatem Philosophiæ aliquid aut Theologiæ audierint, examinentur, vt præscribit Regula 19. Prouincialis §. 5. in Ratione studiorum: nisi mallent, quod emensi sunt illorum studiorum iter remetiri; quod quidem nisi Superior, iustas ob causas, negandum censuerit, poterit illis vltro concedi.

5 Vt ad habendum actum Theologicum seu paruum, seu magnum possit aliquis admoneri requirantur Examinatorum suffragia tria, clara, & minime dubia, quæ illius ad actum cum satisfactione habendû capacitatem speciatim enuncient.

6. Si quis habiturus actum magnum,  
ab

ab argumentaturis conclusionem impugnandam vel argumentum proponendum inquisiuerit, is nulla habita ratione iudicij ex actus successu consecuti, ad examen more aliorum pro professione subeundum omnino reuocetur. Qui verò in actu paruo id fecisset, excidet spe omni actus magni, & complices aut administri huius dedecoris, si qui fuerint, pro ratione culpæ à Superioribus puniantur. Demum Iudices oneratam sciant conscientiam suam, si, cum aliquid fraudis interuenisse cognouerint, quo de doctrina defendentis iudicium debeat non mediocriter variari, ex solis præcisè responsis, & Actus successu ferant iudicium.

Ad hæc Congregatio præcipua ratione commendatum voluit P. Vicario, vt de Theologicorum actuum numero contrahendo, nec non de nimijs inter eos Magistrorum locutionibus compescendis, quoad prudenter poterit, satagat.

Cum autem interposita esset intercessio contra eam partem huius decreti, quæ horam vnā integram examini, à 3. ad 4. Theologiæ annum subeundo præfigit, auditis intercessoris rationibus, confirmauit Congregatio quod iam sanciuerat.

*Decretum 25. in MS. Aët. 43.*

**D**E Maioribus Hispaniæ quæsitum est, *De maioribus Hispaniæ*  
an Decretum 18. Congregationis V.  
vetans admissionem in Societatem sine sa-

## 18 Decreta Congregationis

cultate Generalis, personæ Maioratus iure gaudentis, illam etiam irritam, & nullam reddat? Congregatio expensis varijs, ea de re, Generalium rescriptis, & audito iudicio PP. Deputatorum pro Constitutionibus, censuit nequaquam inuvalidam aut irritam esse huiusmodi admissionem.

*Decretum 26. in MS. Añ. 43. & 44.*

**Q**uoniam à tempore, quo Societas nostra reuerſa est in Serenissimæ Reipublicæ Venetæ ditionem, nunc primum conuenit in vnum corpus totum Ordinem repræſentans; censuit Congregatio ad contestandum vniuersæ Societatis gratum animum ob tam singulare & immortale beneficium quo vindicata est fama integritatis nostræ, & ablatum opprobrium, quod passim iactabant in nos Hæretici, summas quàm humillimè gratias nomine totius Ordinis agendas esse Sanctissimo D. N. Alexandro VII. cuius auspicijs, Pastoralis prouidentia, & sapientissimo ductu perfectum felicissimè suspeximus negotium, quod complures antea magno quidem animi affectu, sed euentu irritico sapiùs tentauerant.

Deinde placuit, vt nomine pariter Congregationis conscriberentur literæ ad Serenissimam Rempublicam Venetam ad contestandam gratam beneficij adhuc recentis in Nostrorum receptione memoriam, & ad

*Agenda  
gratie Sanctissimo D.  
N. ob reditum in Statum Venetum.*

*Etiam Serenissima Reipublica.*

ad testificandum summū omnium Nostro-  
rum pro viribus inseruiendi Reipublicæ de-  
siderium .

Deniq; quia præcipuus huius tam exopta-  
ri redditus secundum illius Auctorem Sāctiss.  
D. Nostri administer exitit Illustriss. &  
Reuerendiss. D. Carolus Carrafa nunc Sedis  
Apostolicæ apud Sereniss. Rempublicam ,  
nunc apud S. Cæs. Maiestatem Nuncius, erga  
illum quoque simili literarum eucharistica-  
rum officio fungendum esse Congregatio  
consensu vnanimi decreuit .

*Decretum 27. in MS. Act. 43.*

**R**ogata est Cōgregatio prohibere, ne  
deinceps literæ, quæ ad Deputatos  
ad Congregationem Generalem scribentur,  
à Superioribus Generali inferioribus, apo-  
riri, aut retineri possint, sicut nec ad illas  
responsa, quod hæ sæpe literæ negotia con-  
tineant soli Congregationi, aut Generali  
communicanda; censuit Congregatio om-  
ninò concedendum literis, ac responsis  
huiusmodi hoc priuilegium, illudque idem  
ad Electos in Congregatione Provinciali  
Procuratores extendendum .

*Decretum 28. in MS. Act. 27. 45. 47.*

**C**um spes nulla superesset aduentus Pa-  
trium ex Lusitania, visum fuit Con-  
gregationi non differre diutius Assistentis  
electionem (quam à se faciendam, & non  
remittendam, exemplo Congregationis No-

*Etiam Il-  
lustriss. Nū  
tio Aposto-  
lico .*

*De literis  
ad Electos  
ad Cong.  
Gen. vel  
Procur.*

*Electio As-  
sistentis Lu-  
sitania .*

## 20 Decreta Congregationis

nam ad P. Vicarium, iam ante decreuerat) designauitque ex speciali dispensatione quatuor Patres Lusitanos Romæ degentes, sed ad Congregationem non pertinentes, à quibus peti possent informationes, sub iisdem tamen cautionibus, quibus obstringuntur ij, qui ad Congregationem pertinent; ac tandem vltimo die quatruidi ad eam indicti, seruatis omnibus, quæ formula præscribit, electus est primo scrutinio in Assistentem Lusitanæ P. Gaspar de Gouea. Electioni interfuerunt Congregatione permittente, sed suffragium non tulerunt P. Secretarius Generalis, Procurator Generalis, & Sardinie. *Decretum 29. in MS. Añ. 46. 49. 50. 59. 60.*

¶ 61.

**O**B casus nouitatem, electi scilicet Vicarij cum vniuersali, ac libera potestate, & cum iure succedendi, placuit Congregationi illius potestatem magis explicatè, & expresse declarare.

*De potestate Vicarij Generalis.*

I. Declarauit: Exercitium vniuersale potestatis collatum fuisse Vicario, non cumulative, itant in duobus Generali nempe, & Vicario, æquo iure residere deberet; sed priuatiuè; idest, ita vt penes solum Vicarium deberet subsistere, atque adeò nō posset Generalis vllam illius si bi partem assumere; itaut si secus aliquid ab eo fieret, illicitè, & inualidè fieret; illudque exercitiū sic explicatum, quatenus opus esset, eidem

Vi-



Vicario de nouo contulit, suffragatione secreta, quæ dum institueretur, parantem excedere P. Vicarium, Congregatio retinuit, voluitque præsentem adesse. Permissum, tamen, quod petebat, abstinere, vti à ferendo suo, sic ab inspiciendis aliorum suffragijs, quorum proinde inspectio demandata est Professorum antiquissimo.

2. In casu obitus, vel mutationis cuius ex Assistentibus, declarauit Congregatio, & quatenus opus esset, decreuit, nominationem noui Assistentis pertinere ad P. Vicarium, & quidem vnice, audito tamen super hac re P. Generalis consilio, & requisito ad nominati confirmationem, suffragio.

3. Declarauit, & quatenus opus esset, decreuit, in casu grauis infirmitatis ipsius Vicarij, posse ipsum substituere sibi alium Vicarium ad regendam per id temporis Societatem.

4. An vero in casu mortis, si forte cōtingeret Vicarium mori ante Generalem possit Vicarius nominare ante mortem Vicarium, à quo post illam Societas regatur? vel certe ad quemnam pertineat tunc providere Societati de Vicario? post agitatam in aliquot sessionibus quæstionem, cum P. Vicarius semetipsum spontanea iuris cessione, exclusisset, tamque exclusionem ipsius rogatu Congregatio admisisset, Eadem cen-

## 22 Decreta Congregationis

fuit nominationem Vicarij in casu proposito, deferendam esse P. Generali superstiti, simul autem decreuit, vt casu, de quo agitur, eueniente, statim fiat ea nominatio: nomineturque aliquis ex ijs, qui Vicario viuenti adesse solebant, vt formula præscribit, vel ex ijs, qui proximè degunt: tum nouus ille Vicarius Congregationem generalem ad electionem noui capitis statim indicat, atque interea Societatem gubernet potestate libera, & independente, sed eademtaxat, quam habet ex communi iure Societatis Vicarius Generalis demortui.

*Decretum 30. in MS. Act. 51.52.*

**A**ctum fuit in Congregatione per plures sessiones de promouendo, augendoque in Societate spiritu, seu studio rerum spiritualium, & cum multa in eam rem à multis præclare dicta essent, totaque Congregatio magnum omnino zelum præferret eius rei solidè instaurandæ, iudicauit nihilominus abstinendum sibi à nouis, eo super, oneribus decernendis; sed impensè tamen voluit P. Vicario, ac per eum Prouincialibus, & Superioribus alijs commendatum, vt hanc rem, vtpote rerum omnium nostrarum animam, præcipuâ, ac perpetuâ curâ versent, executionem virgendo eorum, quæ ad eam promouendam habet Societas satis copiosè præscripta.

*De promo-  
uendo in  
Societate  
spiritu.*

*De-*



*Decretum 31. in MS. Act. 54.*

**P**ostulauit Procurator Malabaricæ ; An qui ex Europa in Indiam veniunt, virtute, doctrina, alijsque de iure nostro requisitis ad Professionem quatuor votorum, instructi, expectare nihilominus ad eam, *De promotione ad professionem.* emittendam illic debeant alios, qui vocatione antiquiores sunt, sed studia nondum absoluerunt ?

Censuit autem Congregatio, eos nequam debere expectare, & vniuersè declarauit, nusquam antiquiores a minus antiquis debere expectari, quando minus antiqui habent omnia expedita, & antiquiores vel quia studia non absoluerunt, vel defectu ætatis legitimæ, vel alterius requisiti ex parte ipsorum non sunt adhuc ad profutendum expediti.

*Decretum 32. in MS. Act. 54.*

**C**um quæreretur ad quem Superiorem, Rectorem scilicet, & Prouincialem, pertinere censendi sint, qui in aliena Prouincia, ijsque Urbibus diuersantur, in quibus non est Societatis Domicilium? Respondit, & statuit Congregatio ad propinquo- *Diuersantes in aliena Prouincia.* remvtrique Rectorem censendos esse pertinere, & ad Prouincialem, cui huiusmodi Rector subest.

*Decretum 33. in MS. Act. 57.*

**P**roponente P. Vicario, & probante Congregatione, decretum est, indicen-

## 24 Decreta Congregationis

*Sacrum, &  
corona in-  
dictu pro S.  
D. N.*

dum in Societate vniuersa sacrum vnum ,  
& coronam itidem vnam pro S. D. N. Ale-  
xandro VII. in aliquale gratitudinis nostræ  
specimen, pro tot illustribus beneficijs, &  
Apostolicis benedictionibus, quibus Con-  
gregationem hanc est impertitus .

*Decretum 34. in MS. Act. 59.*

*Petenda  
confirmatio  
Pontificia  
decretorum  
de Vicario.*

**E**tsi videbatur non posse dubium esse  
vllum, quin omnia, quæ ad electio-  
nem P. Vicarij, collatamque in eum pote-  
statem pertinent, ritè acta essent in Con-  
gregatione, cui scilicet, ad ea omnia suf-  
ficiens potestas adfuerat, tum ex nostris  
Constitutionibus, tum ex Breui Pontificio,  
tam denique ex consensu, & approbatione  
ipsius P. Generalis, qui propria syngrapha  
contestatus fuerat Congregationi, se omni  
meliori modo, quoniam videbat ita expe-  
dire Societati nostræ, illa omnia rata ha-  
bere; tamen ad rerum gestarum complemē-  
tum iudicauit, & decreuit Congregatio, sup-  
plicandum Pontifici, vt eadem omnia  
Pontificio diplomate confirmare dignare-  
tur, quò perennis, atque immobilis firmi-  
tatis robur accipiant.

*Confirma-  
uit S. S. S. S.  
diplomate  
dato 30.  
Aug. 1661.*

*Decretum 35. in MS. Act. 61.*

*Congrega-  
tio Frouin-  
cialis vna  
in medio  
nouenni.*

**S**uscipienda est deliberatio, an si Pontifex  
renueret abrogare Decretum Innocen-  
tij X. de Congregationibus nouennalibus,  
videretur pergendum in vsu Congregatio-  
num Prouincialium triennialium? in qua  
de.

deliberatione quia agendum erat, de mutandis, abrogandisue aliqua sui parte Constitutionibus, & Congregationum generalium decretis, quæsitum est primò, placeretne de proposita quæstione tractari, & cum placuisset, dictæ sunt sententiæ, fueruntque non pauci, qui censerent omittendas omnino Congregationes Provinciales omnes intermedias, quæ scilicet sunt ad electionem Procuratoris. Sancitum tamen est, vt pro hac vice duæ intra decursum nouennij haberentur, in medio vna ad eligendum Procuratorem, in fine altera ad electionem mittendorum ad Congregationem Generalem.

*Decretum 36. in M.S. Añ. 61.*

**E**Xemplo nonnullarum aliarum Congregationum commissa est Patri Vicario Decretorum, & Canonum ex Actis extractio, & cum Prouincijs communicatio. Quo facto, negotijs omnibus iam expeditis, habuit P. Vicarius insignem, & loco, & tempori aptissimam ad Patres congregatos patænesim; tum deinde actis Deo gratijs ex præscripto formulæ inter mutuos amplexus cum maxima charitatis significatione finis impositus est huic Congregationi XI. die 27. Iulij 1661.

L A V S D E O.

# Index eorum quæ in Decretis Congregationis Generalis XI. continentur.

Actus Theologicus	sus Domui professæ durante fabrica etiam ad multos annos, Decr. 20. p. 12.
<b>A</b> ctum Theologicum propugnandum requiruntur tria suffragia. Dec. 24. §. 5. p. 16.	Congregatio Generalis.
Inquirentes argumentum vel conclusionem ante Actum Theologicum puniendi. Dec. 24. §. 6. p. 17.	Petita abrogatio Brevis de Congregatione Generali nouennali & alijs punctis. Dec. 12. p. 7.
Actuum Theologorum numerus contrahendus. Ibidem.	Nullus terminus præfigendus cogendis Congregationibus generalibus si abrogetur Breue Innocentij X. Dec. 13. p. 7.
Admonitor.	Congregatio Prouincialis.
Admonitoris electio. Decr. 11. p. 6.	Congregationes Prouinciales due tantum in nouennio proximo celebranda, si nõ abrogetur Breue Innocentij X. Decr. 35. p. 24.
Assistentes.	Decreta.
Assistētium electio. Dec. 10. & 28. p. 6 & 19.	Decreta aliqua Congregationis II. & V. ieiunant. Decr. 21. p. 13.
De voce Nationis ex qua eligi debeat. Assistentes. Decr. 20. p. 6.	Decretorum & Canonum extractio commissæ P. Vicario. Decr. 36. p. 25.
Collegia.	
Collegiorum dissoluendorum potestas facta P. Vicario. Decr. 16. p. 9.	
Collegia grauari possunt ad pendendos annuos cen-	

## Doctores Theologia.

Doctores Theologia ante ingressum, possunt promoueri ad Professionem 4. Votorum si excedant mediocritatem. Decr. 14. p. 8.

### Electio.

Electio Vicarij perpetui cum iure succedendi proposita à R.P.N. Generali. Decr.

1. p. 2.

Petenda facultas eligendi à Pontifice, & obtenta. Dec. 4. & 6. p. 4.

Formula Iuramenti & Decreti in Electione Vicarij. Decr. 7. p. 5.

Electio P. Io. Pauli Oliuæ in Vicarium. Decr. 8. p. 5.

Electio 4. Assistentium. Decr. 10. p. 6.

Electio Assistentis Lusitanie. Dec. 28. p. 19.

Electio Admonitoris. Decr. 31. p. 17.

### Examina.

Examina Nostrorum in studijs quamdiu durare debeant. Decr. 24. 5. 1. &

2. p. 16.

Examinis annui materiæ

decr. 24. 5. 3. p. 16.

Examinandi qui ante ingressum aliquid Philosophiæ & Theologia audiuerunt Ibid. 5. 4. p. 16.

### Generalis.

R.P.N. Generalis proponit Congregationi varios modos eligendi Vicarium. Dec. 1. p. 2.

Absens à Congregatione propter infirmitatem substituit loco suo Assistentem Hispania. Dec. 3. p. 3.

In electionibus secretis duo habuit suffragia. Dec. 8. p. 5.

Illi permissa designatio eorum qui libellum offerrent Summo Pontifici. Dec. 4. p. 4.

### Libri.

Libros, libellos, vel folia voluntaria imprimentes absque licentia grauiter puniendi. Decr. 18. p. 10.

In reuidentis libris de rebus Moralibus Censores sint seueri. Decr. 22. p. 14.

### Literæ.

Literæ ad electos pro Congregatione generali vel Procuratorum & Electorum

rum ad alios non aperienda. Decr. 27. p. 19.

Maioratus.

Maioratum habentis in Hispania admissio sine licentia Generalis non est irrita. Decr. 25. p. 17.

Opiniones Morales.

Opiniones laxa in re Morali vitanda & Auctores coercendi. Decr. 22. p. 14.

Nemo scripto respondeat in rebus grauioribus Moralibus, nisi probante Superiore. Decr. 22. §. 3. p. 15.

Opinionum periculosarum in re morali Elenchus texendus. Decr. 22. §. 4. p. 15.

Papa.

S. D. N. Alex. VII. agenda gratia nomine Congregationis ob redditum Societatis in statum Venerum.

Decr. 26. p. 18.

Pro sua sacrit. indictu sacru & Corona per Societate.

Decr. 33. p. 24.

Paupertas.

Obligatio in Superiore ad expendendos fructus bonorum, qua Nostri possident

in causas pias, non pertinet ad votum Paupertatis.

Decr. 15. p. 8.

Donatio Scholastici facta

Collegio ante mortem vel Vota ultima, potest admitti seu rata haberi a Generali. Decr. 17. p. 9.

Collegia possunt grauari ad soluendos census annuos Domui professa durante illius fabrica etiam ad multos annos. Decr. 20. p. 12.

Paupertatis puritas valde nostris commendata. Decr. 23. p. 15.

Prædicatorum Vener.

Ordo.

Prædicatorum Ven. Ordo speciali veneratione a nostris prosequendus. Decr. 19. p. 11.

Professio.

De excellentia talenti sup-  
plentis doctrinam requisita ad Profess. non exigendum iuramentum. Decr. 3. p. 3.

Ad Professionem Votorum quatuor admitti possunt Doctores Theologiae ante ingressum si excedant medio-

dio-

*diocritatem. Decr. 14. p. 8.*  
**Habentes requisita omnia**  
*ad professionem non debent*  
*expectare antiquiores se*  
*in Societate carentes ali.*  
*quo requisito ex parte*  
*sua. Decr. 31. p. 23.*

**Prouincia.**

**In Prouincia aliena diuersan-**  
*tes, ubi non est Collegium,*  
*subsunt Superiori vicinio-*  
*ris Collegij seu Domus.*  
*Decr. 32. p. 23.*

**Spiritus promouendus.**

**Cura de spiritu promouendo**  
*summopere commendata*  
*P. Vicario. Decr. 30. p. 22.*

**Vicarius Generalis per-**  
**petuus**

**Vicarius Generalis perpe-**  
**tuus cum iure successionis**

**proponitur à R. P. N.**  
**Decr. 1. p. 2.**

**Decernitur ut eligatur. Dec.**  
**2. p. 3.**

**Petenda facultas eligendi a**  
**Summo Pontifice. Decr. 4.**

**Obtenta. Decr. 6. p. 4.**

**Electus R. P. 10. Paulus**  
**Oliua Decr. 8. p. 5.**

**Potestas Vicarij Generalis**  
**perpetui. Decr. 29. p. 20.**

**Confirmata à Papa ut in**  
**marginè Decreti 34. p. 24.**

**In obitu Assistentis potest no-**  
**minare alium. Decr. 29. §.**  
**2. p. 21.**

**In casu infirmitatis suæ potest**  
**sibi substituere alium Vi-**  
**carium. ibid. §. 3. p. 21.**

**Si moriatur ante Præposi-**  
**tum Generalem quid agen-**  
**dum. Decr. 29. §. 4. p. 21.**



